

Paerewa Paetae

Aronga	Pāngarau 1.15		
Ingoa	Te whakaatu mōhiotanga ki te reo matatini o te pāngarau		
Kaupae	1	Whiwhinga	3
		Aromatawai	Ā-rotu
Marau akoranga	Te Marautanga o Aotearoa		
Kokonga akoranga	Pāngarau		
Mana rēhita	Kua rēhitatia	Te rā i mana ai	12 Hakihea 2013
Te rā e arotakengia ai	31 Hakihea 2016	Te rā i puta ai	12 Hakihea 2013

Te Hononga ki te Marautanga

I ahu mai tēnei paerewa paetae i te Taumata 6 o *Te Marautanga o Aotearoa*, i whakaputaina e Te Pou Taki Kōrero i te tau 2008.

Whāinga Paetae

Te Reo Matatini o te Pāngarau

Ka whakawhitiwhiti whakaaro, ka āta wānanga te ākonga i āna mahi pāngarau, mā te kupu (ā-waha, ā-tuhi), mā te tohu, me ngā momo whakaahuahanga e hāngai ana. He mea nui tēnei hei tautoko i te whakatutukitanga o ngā whāinga paetae e whai ake nei, e pakari anō ai te whakaaro arorau, te whakaaro arohaehae, te whakaaro whitake me te auahatanga o te ākonga e hāngai ana ki tēnei taumata.

E hono ana ki te Papa Whakaako mō Pāngarau kei te pae ipurangi nei:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Te Hononga ki ngā Tikanga Aromatawai

Kei tēnei pae ipurangi ngā Tikanga Aromatawai mō tēnei paerewa paetae:

<http://tmoa.tki.org.nz/Te-Marautanga-o-Aotearoa/Taumata-Matauranga-a-Motu-Ka-Taea>.

Paerewa Paetae

<p>Paetae He whakaatu mōhiotanga ki te reo matatini o te pāngarau.</p>	<p>Hei tohu i te paetae:</p> <ul style="list-style-type: none"> • ka whakaatu i ngā momo rautaki e mārama ai ki tētahi kōrero pāngarau (ā-tuhi, ā-waha rānei) • ka kapo māramatanga i ngā momo whakaahuahanga pāngarau • ka whakaputa kōrero (ā-waha, ā-tuhi) mō tētahi kaupapa pāngarau • ka whakamahi i ngā momo whakaahuahanga pāngarau me ngā tohu pāngarau hei whakawhitiwhiti whakaaro.
<p>Kaiaka He kaiaka te whakaatu mōhiotanga ki te reo matatini o te pāngarau.</p>	<p>Hei tohu i te kaiaka:</p> <ul style="list-style-type: none"> • Ko te whakaaro tūhonohono te mea nui. Nō reira, ka kitea ēnei: <ul style="list-style-type: none"> – ka whakaatu mōhiotanga ki te puna kupu pāngarau e hāngai ana – ka whakamahi tika i ngā momo hanga reo whānui o te reo Māori hei whakawhitiwhiti whakaaro pāngarau – ka whakaputa kōrero (ā-waha, ā-tuhi) mō tētahi huatau pāngarau, kia mārama, kia hāngai, kia whai anō hoki i tā te Māori whakatakoto i te kupu – ka kapo māramatanga i tētahi kōrero pāngarau (ā-waha, ā-tuhi), i tētahi whakaahuahanga pāngarau rānei.
<p>Kairangi He kairangi te whakaatu mōhiotanga ki te reo matatini o te pāngarau.</p>	<p>Hei tohu i te kairangi:</p> <ul style="list-style-type: none"> • Ko te whakaaro waitara te mea nui. Nō reira, ka kitea ēnei: <ul style="list-style-type: none"> – ka whakaatu mōhiotanga ki te puna kupu pāngarau whānui e hāngai ana ki ngā huatau pāngarau huhua – ka whakaatu pūkenga ki te hopu i ngā kupu hou ka puta i ngā kaupapa pāngarau e akohia ana – ka whakanikoniko i te reo whakawhiti whakaaro pāngarau i runga i te āhua o te hunga whakarongo, te hunga pānui rānei – ka aromātai i te āhua o te whakaputa whakaaro pāngarau me te whakatika anō kia mārama ake, kia māmā ake te kōrero, kia tika ake te wetereo, kia hāngai ake ki te hunga whakarongo (hunga pānui rānei).

Kōrero Āpiti

E whai ake nei ko te whakamāramatanga o ngā kupu whaitake, kīanga rānei.

te reo matatini o te pāngarau	Ko ngā kupu, ko ngā hanga reo, ko ngā momo whakaahuahanga me ngā tohu, hei whakawhiti whakaaro pāngarau, e tutuki ai tētahi kaupapa.
-------------------------------	--

Kuputaka:
whakaaro tūhonohono
whakaaro waitara

relational thinking
abstract thinking

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakarite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233